

Dados relata 19 Juñu 2020

SUMÁRIU

- Ministériu Saúde (MS) lansa ona **Estratejia Rekursu Umanu ba Setór Saúde 2020-2024**. COVID-19 ne'e fó hanoín fali ita kona-ba nesesidade krítiku ba rekursu umanu ne'ebé motivadu no treinadu ne'ebé fleksibel no ativu hodi responde ba ezijénsa ne'ebé muda beibeik. Sein pesoál saúde sira, ita sei laiha sistema saúde. Ida ne'e maka "fundamentu importante" hodi haforsa ita-nia servisu saúde no krítiku hodi garante katak "laiha ema ida mak husik hela iha kotuk". OMS fornese apoiu tékniku hodi dezenvolve dokumentu polítika importante ida ne'e no Uniaun Europeia garante apoiu finanseiru hodi halo kompleta dokumentu ida ne'e ho susesu.
- Projetu monitorizasaun no avaliasaun ba responde COVID-19 iha sentru saúde komunitária (SSK) hosi MS ho apoiu tékniku hosi OMS no apoiu finanseiru hosi Korean International Cooperation Agency (KOICA) sei remata iha 20 Juñu iha munisípiu ikus liu – Lautem. Ekipa neen kompostu hosi doutór sira hosi OMS, ofisiais MS no ofisiais vijilánsia distritu mak halo avaliasaun ba prontidaun facilidade no pesoál saúde ba COVID-19 iha SSK 70 iha teritóriu tomak.
- Kuaze ofisiais imigrasaun nain 45 inklui seguransa, pesoál ba hamoos iha rejiaun espesiál Oecusse hodi partisipa iha treinamentu ba prevensaun no kontrolu infesaun inklui ijiene liman moos no ijiene respiratóriu, ekipamentu protesaun pesoál, no jestaun ba lixu, Pilar 6 hosi Komisaun Jestaun Krize no INS hala'ó treinamentu ne'e ho apoiu tékniku hosi OMS. Ida ne'e hanesan parte ida hosi kampaña ba fulan tomak hosi MS, Asosiasaun Enfermeriu Timor-Leste no OMS hodi reinforsa ijiene liman la'os deit iha kontestu COVID-19 maibé hodi bele atinji saúde ne'ebé diak liu enjerál.
- Ekipa nasaun *Global Fund* nian, to'o ohin loron, aprova ona kuaze fundu ho montante US\$524,584 hosi osan 5% hosi fundu AIDS, TB, no Malaria nian ne'ebé eziste ona hodi responde ba COVID-19 ba Timor-Leste hodi halo akizisaun ba *Xpress SARS-COV-2 cartridges*, mákina *GeneXpert XVI-16 modular systems* rua, no koleasaun ba amostra no transporte (SC&T). Montante hirak ne'e hetan aprovasaun hosi *Global Fund Country Coordination Mechanism*. Investimentu adisionál hosi *Global Fund* hodi hasa'e Laboratóriu Nasionál Saúde (LNS) nia responde atu haforsa diagnóstiku *molecular* rápidu ba COVID-19, no Tuberkuloze iha teritóriu tomak. Inisiativu no proposta hodi utiliza orsamentu 5% hosi

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)
0 mate

(Bazeia ba dados ne'ebé públika iha [Centro Integrado Gestao de Crise](#))

Tuir pájina WHO Timor-Leste
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

8 242 999 konfirmadu (181 232)
445 535 mate (5 245)


AVALIASAUN RISKU OMS

Nível Globál Aas tebes

fundu *Global Fund* ne'ebé eziste ona hodi responde ba COVID-19 no TB ne'ebé hetan apoiu hosi OMS.




Data notifikasaun kazu foun no kumulativu COVID-19 iha Timor-Leste
(19-Jun-2020 : kazu foun-0 kumulativus-24)



Situasaun Nasional Kazu : COVID-19 Timor-Leste

(Kumulative figures)



OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-